



Shu aziz VATAN — barchamizniki!

O'ZBEKISTON OVOZI

2014-yil, 10-iyun. Seshanba 71 (31.818)

Ijtimoiy-siyosiy gazeta

1918-yil 21-iyundan chiqq boshlagan

www.uzbekistonovozi.uz



Депутат ўз сайловчилари билан доимий алоқада бўлиб туриши, биринчи навбатда, депутат учун, шунингдек, сиёсий партия учун муҳим аҳамиятга эга.

Айнан бевосита мулоқот депутатни, сиёсий партияни реал ҳаётдан узилиб қолишдан асрайди, ижтимоий-иқтисодий муаммолар ва уларнинг сабабларини чуқур ўрганиш, таклифлар ишлаб чиқиш имкониятини кенгайтиради.



Депутатларнинг сайлов округларидаги фаолияти

доимий равишда такомиллашиб бориши лозим

Халқчил қонунларни қабул қилиш, аҳолини ўйлантираётган масалаларни парламентда муҳокама этиш, мамлакатни ижтимоий-иқтисодий ривожлантириш билан боғлиқ стратегик вазифаларни белгилашда бу муҳим ўрин тутди.

2

ЎзХДП «ИСТИҚБОЛ» ЁШЛАР ҚАНОТИ

Бугуннинг ёш сиёсатчилари

Пскент туманидаги Болалар мусиқа ва санъат мактаби тантаналар зали байрамона безатилган. Йиғилганлар нигоҳида ҳаяжон, қувонч... Улардан 17 нафари «Ёш сиёсатчи — 2014» танловининг Тошкент вилоят босқичи иштирокчиларидир.



▶ Давоми 2-бетда.

Бугун юртимиз ёшлари мамлакатимизда демократик ислохотларни янада чуқурлаштириш ва фуқаролик жамиятини ривожлантириш жараёнларининг фаол иштирокчисига айланмоқда. Ўзбекистон Халқ демократик партияси «Истиқбол» ёшлар қаноти йигит-қизларнинг ташаббусларини қўллаб-қувватлаб, сиёсий-ҳуқуқий, ижтимоий-иқтисодий билимларини ошириш, фаоллигини ривожлантириш, ислохотлар жараёнига дахлдорлик ҳиссини кучайтиришга қаратилган қатор тадбирларни амалга оширмоқда.

Мустақиллик майдонидаги мулоқотлар давом этади...

Сизда Ваган, Мустақиллик ҳақидаги фикр-мулоҳазаларингизни газетхонларимизга айтиш имконияти бор.

Сиз юрт тинчлиги, Мамлакат ободлиги йўлида қандай эзгу ишларни қилмоқчисиз?

Азиз замондошим! Мустақиллик майдонидаги мулоқотлар Сизни кутмоқда.

Мурожаат учун телефон (8371) 233 69 45



«O'ZBEKISTONDA OZIQ-OVQAT DASTURINI AMALGA OSHIRISHNING MUHIM ZAXIRALARI» XALQARO KONFERENSIYASI

МУНОСАБАТ

Озиқ-овқат мустақиллиги ва хавфсизлиги

ҳаётимиз фаровонлигининг муҳим кафолатидир

«БМТнинг Озиқ-овқат ва қишлоқ хўжалиги ташкилоти ҳамда Жаҳон Соғлиқни сақлаш ташкилоти маълумотларига кўра, ҳозирги вақтда дунёда 840 миллиондан ортиқ киши, яъни деярли ҳар саккиз одамнинг бири тўйиб овқатланмаяпти, сайёрамиз аҳолисининг 30 фоизидан зиёди тўлақонли равишда овқатланмаслик, энг асосий микроэлемент ва витаминлар етишмаслиги муаммосини бошидан кечирмоқда. Ана шундай сабаблар туфайли 160 миллиондан ортиқ бола бўйининг ўсиши, жисмоний ва интеллектуал ривожланишига доир камчиликлардан азият чекмоқда».

Ўзбекистон Республикаси Президенти Ислам Каримов Тошкент шаҳрида бўлиб ўтган «Ўзбекистонда озиқ-овқат дастурини амалга оширишнинг муҳим захиралари» мавзусидаги халқаро конференцияда сўзлаган нутқидан шундай деб алоҳида таъкидлади. Давлатимиз раҳбари билдирган фикр-мулоҳазалар нуфузли халқаро ташкилотлар, экспертлар, олим ва мутахассислар кенг жамоатчилиқда катта қизиқиш уйғотди.

Ҳақиқатан ҳам, бугунги кунда ер юзиде аҳоли сони ва озиқ-овқат маҳсулотлари ишлаб чиқариш ҳажмининг ўсиши ўртасидаги тафовут инсониятнинг озиқ-овқат маҳсулотларига бўлган талабини қондиришни тобора қийинлаштирмоқда. Шу боис кўплаб мамлакатлар учун аҳолини сифатли озиқ-овқат билан таъминлаш масаласи асосий муаммага айланмоқда. Ўзбекистонда эса мустақиллик йилларида ушбу соҳада жуда катта ютуқлар қўлга киритилди, жумладан, қишлоқ хўжалиги маҳсулотлари ишлаб чиқариш ҳажми икки баробар ортди.

Бунга ўз-ўзидан эришилгани йўқ, албатта. Озиқ-овқат экинлари учун ер майдонларининг кенгайтирилгани, уларнинг мелиоратив ҳолати муттасил яхшиланаётгани, энг муҳими, қишлоқ хўжалиги соҳасида амалга оширилаётган туб ислохотлар бу ютуқларга омил бўлмоқда.

Таъкидлаш зарурки, истиқлолнинг илк кунларидан мамлакатимиз олдида глобал муаммолардан бири бўлган озиқ-овқат мустақиллигига эришиш ҳамда унинг хавфсизлигини таъминлаш масаласини ҳал этишдек ҳаётий вазифа кўндаланг турарди. Шу боис, юртимизда бу ўткир масалани ижобий ҳал этиш, аҳолини етарли миқдорда сифатли озиқ-овқат маҳсулотлари билан таъминлаш борасида бир қатор қонунлар, фармон ва қарорлар, давлат дастурла-



Анвар БОЙҚУЛОВ, Олий Мажлис Қонунчилик палатасидаги ЎзХДП фракцияси аъзоси.

ри қабул қилинди ҳамда уларнинг изчил ижроси таъминланди. Бунда, биринчи навбатда, илғор агросаноат технологияларини қўллаш, қишлоқ хўжалиги инфратузилмаси, ирригация ва мелиорация тизимларини ривожлантириш, реконструкция қилиш, маркетинг ва жаҳон бозорларига чиқиш бўйича янги технологияларни жорий этишга эътибор қаратилди.

Аҳолининг сифатли, зарур микроэлементларга бой озиқ-овқат маҳсулотларига талабини қондиришда мамлакатимиздаги озиқ-овқат саноати корхоналари хомашё базасини янада мустаҳкамлаш, қайта ишлаш соҳасини модернизация қилиш, озиқ-овқат маҳсулотлари турларини кўпайтириб, унинг экспортини ошириш имкониятларидан фойдаланиш муҳим аҳамиятга эга бўлмоқда.

▶ Давоми 2-бетда.

«Ўзбекистон овози» газетаси сайтыда ўқинг

Электорат манфаатини самарали ҳимоя қилишда

ахборотдан эркин фойдаланиш имкониятлари



www.uzbekistonovozi.uz

САВОЛ

«Кам таъминланган оиламиз. Даволашни ва дори-дармон сотиб олишда бизга имтиёزلар борми?»

Салима НОСИРОВА, Самарқанд вилояти.



— Ўзбекистон Республикаси Президентининг 2003 йил 26 февралдаги «Соғлиқни сақлаш тизимини янада ислоҳ қилиш чора-тадбирлари тўғрисида»ги фармони ва Вазирлар Маҳкамасининг 2003 йил 17 мартдаги «Республика иқтисослаштирилган тиббиёт марказлари фаолиятини ташкил этиш масалалари тўғрисида»ги

қарорига асосан, иқтисослаштирилган тиббиёт марказлари (хирургия, кардиология, урология, кўз микрохирургияси), Ўзбекистон Республикаси Президентининг 2007 йил 19 сентябрдаги «Соғлиқни сақлаш тизимини ислоҳ қилишни янада чуқурлаштириш ва уни ривожлантириш Давлат дастурини амалга оширишнинг

асосий йўналишлари тўғрисида»ги фармони ва Вазирлар Маҳкамасининг 2009 йил 21 майдаги «Республика иқтисослаштирилган илмий-амалий тиббиёт марказлари фаолиятини ташкил этиш масалалари тўғрисида»ги қарорига асосан иқтисослаштирилган илмий-амалий тиббиёт марказлари (терапия ва тиббий ре-

ЖАВОБ

Ушбу саволга Соғлиқни сақлаш вазирлигининг Даволаш профилактика ёрдамни ташкиллаштириш бош бошқармаси бошлиғи Дониёр Миразимов жавоб беради:



билитация, эндокринология, дерматология ва венерология)да фуқаролар ўзини ўзи бошқариш органларида моддий ёрдам олувчи кам таъминланган оила аъзолари махсус йўланмалар (ордерлар) асосида давлат бюджетидан маблағлари ҳисобига бепул даволашни ҳуқуқига эга. Шунингдек, республика ташкилотларидаги тиббий муас-

сасаларда ҳам бепул даволашни ҳуқуқига эгадир. Ушбу махсус йўланмалар (ордерлар) тегишли ҳужжатлар (паспорт, имтиёзни тасдиқловчи ҳужжат нусخаси ҳамда беморнинг шифохонада даволашига муҳтожлиги тўғрисидаги шифокор тавсияси) асосида худудий соғлиқни сақлаш бошқармалари томонидан берилди.

Олий Мажлис Қонунчилик палатасидаги ЎзХДП фракцияси йиғилишида «Ижтимоий шериклик тўғрисида»ги қонун лойиҳаси кўриб чиқилди.

Фракция аъзолари билдирган фикр-мулоҳазалар билан газетамизнинг келгуси сонларидан бирида танишасиз.

